



OLLSCOIL NA GAILLIMHE  
UNIVERSITY OF GALWAY

# *Lonnaithe i nGaillimh, Ag freastal ar an Domhan Mór*

Plean Straitéiseach 2025-2030



Ollscoil  
na Gaillimhe.ie

Ón áit uathúil seo,  
tá tionchar domhanda  
againn.





# Innéacs

Focal ón Uachtarán	4
Fíricí & Figiúirí	6
Ollscoil na Gaillimhe:	7
Gaillimh Chruthaitheach	8
Gaillimh Nuálaíoch	10
Gaillimh Inbhuanaithe	11
Gaillimh Dhátheangach	12
Gaillimh Idirnáisiúnta	13
Ár Réigiún Fuinniúil	14
Misean & Fís	16
Ár Luachanna	17
Tosaíochtaí Straitéiseacha 2025-2030:	18
Tionchar Taighde Sainiúil	19
- Na Colúin Taighde	20
Oideachas don Todhchaí	23
- Céimithe na Gaillimhe	25
Eagraíocht Éifeachtach agus Inbhuanaithe atá ina hAcmhainn don Phobal	27
Bunchlocha	28
Tionscnaimh Thosaíochta	33
Cén chaoi a bhfuil ag éirí linn?	34
Cur i bhfeidhm na Straitéise	36

# Focal ón Uachtarán

## A chairde, a chomhghleacaithe, a chomhpháirtithe,

Cúis áthais dom ár bplean straitéiseach go dtí 2030 a chur in bhur láthair. Leagtar amach ann an fhís atá againn d'Ollscoil na Gaillimhe sna blianta amach romhainn. Chuathas i mbun comhairliúchán cuimsitheach le mic léinn, comhaltaí foirne, comhpháirtithe agus lucht tacaíochta agus is é an plean seo toradh an chomhairliúcháin sin. Ba mhaith liom buíochas a ghabháil leis an té a bhí ina uachtarán romham, an tOllamh Peter McHugh, as ceannasaíocht a thabhairt d'fhorbairt a leithéid de straitéis uaillmhianach dár bpobal ollscoile.

Bíodh is gur iomaí tuairim éagsúil a léiríodh le linn don straitéis seo a bheith á hullmhú, fíos shoiléir atá anois á cur i láthair inti maidir lenar féidir lenár n-ollscoil a bhaint amach.

Tá a fhios agam gur áit fiorspeisialta is ea Gaillimh. Tuigim ó na cuairteanna a thug mé ar an gcampas agus ó bheith ag caint le comhaltaí foirne agus le mic léinn go bhfuil daoine cumasacha agus cruthaitheacha anseo, agus go bhfuil deiseanna iontacha le tapú. Oibrímid as lámha a chéile sna blianta atá romhainn chun a chinntiú go n-aithneofar Gaillimh go hidirnáisiúnta as a fheabhas atá ár gcuid oibre inár réimsí taighde sainiúla. Tarraingeoimid cáil orainn as a mbainfimid amach i réimse na Nuálaíochta Sláinte; i gCruthaitheacht, Cultúr agus Socháil; i dTimpeallachtaí Inbhuanaithe agus Seasmhacha - ar muir agus ar tir; agus i Sonrai Claochlaintheacha agus Intleacht Shaorga.

Féachfaimid le haitheantas a bhaint amach mar cheann de na 200 ollscoil is fearr ar domhan trínár n-iarrachtaí sna réimsí seo agus sna réimsí láidreachta eile atá againn, agus ar an gcaoi sin tallann phobal na hOllscoile trí chéile a chur ar taispeáint.

Tabharfaimid ár dteagasc agus ár bhfoghlaim, chomh maith le heispéireas na mac léinn, chun cinn chun a chinntiú go mbeidh ár gcuid mac léinn faoi réir a bheith rathúil. Cuirimid romhainn na constaíci atá rompu siúd atá ag iarraidh rochtain a fháil ar ardoideachas a shárú, an chumhacht a thabhairt dár mic léinn a gcúrsa oideachais a chomhdhearadh agus oideachas a chur ar fáil a fhreagraíonn do dhúshláin, do theicneolaíocht agus do dheiseanna na linne. Cabhróimid lenár gcuid mac léinn bláthú trí sheirbhísí ar an gcampas agus gníomhaíochtaí a chur ar fáil dóibh, chomh maith le conairí digiteacha atá breisithe ag AI a fhreagróidh dá riachtanais.

Táimid bródúil as tionchar dearfach Ollscoil na Gaillimhe lasmuigh den chmpas sa phobal níos leithne. Déanfaimid tuilleadh forbartha ar chomhpháirtíochtaí sa chathair agus sa réigiún féachaint le feabhas a chur ar shláinte, folláine agus rath na ndaoine. Rachaimid i gcomhar leis na daoine is éirimíúla ar fud an domhain chun a chinntiú go dtarraingeoidh ár dtáighde agus oideachas ar eolas, eispéiris agus saineolas éagsúil ar fud an domhain, agus go gcuirfidh siad leo.

Déanaimid ár gcórais agus próisis a dhearadh agus a fhorbairt le go mbeidh siad chomh héifeachtach agus is féidir féachaint leis na spriocanna sin a bhaint amach. Glacaimid le teicneolaíocht nua chun é a dhéanamh níos éasca oibríú san ollscoil, dul i mbun staidéir inti agus compháirtíochtaí a bhunú léi Tabharfaimid túis áite le chéile don chomhoibriú agus cinnteoimid go dtabharfar éisteacht do chách agus aghaidh ar gach saincheist, nuair is féidir. Má tá sé ar ár gcumas an saol a dhéanamh níos éasca agus níos simplí daoibh, déanfaimid sin.

Caithfidh mé a rá gur mór an onóir dom a bheith i m'Uachtarán. Tá comhaltaí foirne agus mic léinn iontacha mórrhimpeall orm, agus údar spreagtha dom is ea a thiomanta is atá ár gcompháirtithe don Ollscoil seo.

Táim ag súil le bheith ag obair i gcompháirt libh agus ar bhur son chun fíos na straitéis seo a bhaint amach – i dteannta agus i dtaca a chéile.

**An tOllamh David Burn**  
Uachtarán, Ollscoil na Gaillimhe



Bíodh is gur iomaí tuairim éagsúil a léiríodh le linn don straitéis seo a bheith á hullmhú, fíos shoiléir atá anois á cur i láthair inti maidir lenar féidir lenár n-ollscoil a bhaint amach.

## POBAL NA HOLLSCOILE

19%  
de mhic léinn  
idirnáisiúnta



Gradam Airgid  
Athena Swan  
agus  
**14**  
Gradam Scoile  
Athena Swan

**19,700+**  
mac léinn  
  
**2,500**  
comhalta  
foirne

**135,000+**  
alumnus ar fud  
an domhain



Bacáinní ar  
ardoideachas á  
mbaint againn  
le 25 bliain  
anuas tríd an  
**Ionad Rochtana**

## TIONCHAR

**€87 million**  
caite ar  
ghníomhaíochtaí  
taighde in 2024



**199**  
fionnachtain  
nua ó 2020  
i leith



i  
**181**  
tír

**€110 million +**  
i nDámhachtainí  
Taighde ón AE  
ó 2020 i leith

**21**  
seach-  
chuideachta nua  
ó 2020 i leith



Comhoibriú  
taighde le  
breis is  
**5,300**  
institiúid



i  
**181**  
tír

## AN PLÁINÉAD



Deimhniú mar  
Shaotharlann  
Għlas faighe  
ag  
**50+**  
saotharlann



Sa chéad áit  
in Éirinn agus i  
measc na  
**5**  
ollscoil is fearr  
san Aontas  
Eorpach maidir  
lenár dtionchar  
ar Spriocanna  
Forbartha  
Inbhuanaithe  
na Náisiún  
Aontaithe



Laghdú  
**50%**  
ar astaóchtaí  
gáis ceaptha  
teasa ó 2017 i  
leith

# Ollscoil na Gaillimhe

Is cuid den chathair agus den réigiún máguaird an Ollscoil seo agus tá a shliocht sin uirthi. Is iad na daoine atá ina gcónai, ag obair agus i mbun cruthaitheachta inti a choimeádann ag imeacht í. Is as sin a thagann aidhm shoiléir na hOllscoile.

Sna blianta atá le teacht, bainfimid leas as buanna an phobail agus na háite, ag cur taighde agus oideachais ar fáil a rachaidh i gcion ar phobal idirnáisiúnta. Sin é an ról uathúil atá againn mar ollscoil diantaighde a bhfuil naisc againn ar fud an domhain. Táimid suite i gcroílár na cathrach, cathair bheo bhríomhar ar an gcósta, cathair dhátheangach nach bhfuil a sárú le fáil, saibhirthe ag an timpeallacht nádúrtha, ag earnáil chruthaitheach ealaíne a bhfuil a cál scaipthe fud fad na cruinne agus ag tionscail nuálaíocha.

Ollscoil a bhfuil Gaillimh go smior inti. Agus ón áit uathúil seo, tá tionchar i bhfad is i ngearr againn.



# Gaillimh Chruthaitheach

Tá cáil ar Ghaillimh ar fud an domhain mar lárionad cultúir agus cruthaitheachta. Saibhrithe ag an nGaeilge, ag oidhreacht agus ag traidisiúin na hÉireann, tá naisc ag earnáil ealaíon na Gaillimhe ar fud an domhain mhóir, de bharr cleachtas cruthaitheach comhaimseartha agus teicneolaíochtaí nuálacha.

Tá an Ollscoil i gcroílár an aicsin seo. Cuirtear barr feabhas agus nuálaíocht chun cinn ní hamháin trí thaighde agus cláir sna healaíona cruthaitheacha ach trí chruthaitheacht sna curaclaim chomh maith. Ag obair le heagraíochtaí agus le féilte ealaíon na Gaillimhe – ar eascraír cuid mhór díobh as pobal na hollscoile – fáiltímid roimh na mílte cuairteoirí chuig imeachtaí ealaíon ar an gcampas gach bliain, agus táimid ag caomhnú saothar thábhachtacha do na glúnta atá le teacht trí cheann de na cartlanna is fairsinge de chultúr na hÉireann ar domhan a bhainistiú. De bharr ár gcomhpháirtíochtaí le fada an lá le Féile Ealaíon Idirnáisiúnta na Gaillimhe agus le hAmharclann an Druid tá comhoibriú láidir againn ó thaobh taighde agus rannpháirtíochtaí na mac léinn de sna healaíona cruthaitheacha. Is ceannaire domhanda í an Ollscoil ag iniúchadh na nasc idir an chruthaitheacht, an teagasc, an taighde agus an domhan mór.



Tá cuid de na heagraíochtaí ealaón  
is mó le rá i nGaillimh lonnaithe ar ár  
gcampas, lena n-áirítear Macnas, an  
compántas amharclannaíochta a bhfuil  
cáil idirnáisiúnta air.



# Gaillimh Nuálaíoch

Cathair nuálaíochta í Gaillimh ina n-úsáidtear taighde, sonraí agus teicneolaíocht le dul i bhfeidhm ar earnáil na sláinte, na hinbhuanaitheachta agus na cruthaitheachta. Tá an fhiontraíocht idirnáisiúnta agus dhúchasach sa teicneolaíocht, agus i mbogearrai, cibearshlandáil agus cluichíocht beo beathach i nGaillimh.

Mar cheann de shé mholtadh domhanda do theicneolaíochtaí leighis, tá Gaillimh chun tosaigh ó thaobh na nuálaíochta sláinte de. Tá naoi gcinn de na deich gcuideachta teicneolaíochta leighis is fearr ar domhan anseo agus tá traidisiún láidir againn maidir le fointair dhúchasacha nuálaíochta sláinte a fhorbairt agus a mhéadú. Tá mórchomhpháirtíocht nuálaíochta na hOllscoile le Medtronic ag cur cúram sláinte chun cinn trí thaighde comhoibríoch agus trí fhorbairt a dhéanamh ar chlár STEM.

Tá an ollscoil fite fuaite in éiceachóras nuálaíochta na Gaillimhe, agus tá sí ag obair i gcomhpháirt leis an bpobal taighde, le comhghleacaithe cliniciúla, le heolaithe sonraí, agus le comhpháirtithe tionscaill, idir idirnáisiúnta agus náisiúnta. Ó 2020, tá 21 seach-chuideachta nua bunaithe san Ollscoil agus tá 199 fionnachtain nua aimsithe rud a chothóidh an sruth nuálaíochta. Chuidigh na hlonaid Nuálaíochta ar an gcampas le bunú breis is 100 gnólacht nuathionscanta a bhfuil €796m saothraithe acu idir dheontais agus infheistíochtaí – agus a bhfuil 3,365 post cruthaithe acu.

Glacann na mic léinn Domhaneolaíochta agus Aigéaneolaíochta páirt i dturasí allamhúch chuig cónstáí, sléibhte agus aibhneacha ar fud an réigiúin, lena n-áirítear an suíomh seo ag Trá na gCeann ar imeall na cathrach.



Cuireann ár saoráid ionsamhlaithe chliniciúil ar chumas mic léinn leighis agus altranais freagairt do riachtanais other agus iad tumtha i suíomh réaltacha fiorúla.





Oibríonn ár dtáighdeoirí le pobail na n-oileán amach ó chósta an iarthair chun teicneolaíochtaí nua fuinnimh inbhuanaithe a tháistíil, Oileán Árann ina measc, áit a bhfuilimid ag fiosrú hidrigin ghlas mar fhoinsé breosla iompair.

# Gaillimh Inbhuanaithe

Tá éagsúlacht iontach de thírdhreacha agus muirdhreacha ar leac an dorais againn, lena n-áirítear córais fhairsinge lochanna agus aibhneacha, éiceachórais tailte portaigh agus boirne, agus an tAigéan Atlantach atá lán le beathra muiri. Is suíomhanna sainiúla an meascán de phobail uirbeacha, scaipthe tuithe, chósta agus oileánda atá againn a chuireann ar ár gcumas taighde gníomhach a dhéanamh ar dhúshláin sa tsochaí.

Is í an timpeallacht nádúrtha uathúil seo, agus na pobail sheiftiúla atá ina gcónaí anseo, ár saotharlann bheo le haghaidh teagaisc agus taighde a bhfuil tábhacht domhanda leo i réimsí a bhfuil tionchar acu ar ár bpláinéad comhroinnte, amhail éiceolaíocht agus eacnamaíocht na mara, athrú aeráide, úsáid talún agus bithéagsúlacht, fuinneamh in-athnuaithe, pobail inbhuanaithe, an geilleagar glas agus nuálaíochtaí i dtionscal na tógála.

Tá Gaillimh i nGleann Hidrigine na hÉireann agus í ag cur nuálaíochta chun cinn i bhfuinneamh in-athnuaithe agus i ndícharbónú. Is scothshuíomh idirnáisiúnta é ár stáisiún taighde atmaisféir i gCeann Mhásá le haghaidh sonraí ar chaighdeán an aer agus na haeráide, agus cuireann ionad Ríomhaireachta Ardleibhéal na hÉireann (ICHEC), faire na cruinne agus samháltú comhshaoil chun cinn.

Mar aitheantas ar an obair seo, táimid rangaithe sa chéad áit in Éirinn ag *Times Higher Education* agus i measc an 50 ollscoil is fearr ar fud an domhain maidir lenár dtionchar ar Spriocanna Forbartha Inbhuanaithe na Náisiún Aontaithe.



Le linn an tSeimeastair Ghaeltachta, bíonn mic léinn na Gaeilge tumtha san fhoghlaim, sa chultúr agus in imeachtaí pobail i nGaoth Dobhair agus i gConamara.



Cuireann na saotharlanna teanga ar chumas na mac léinn scileanna a fhorbairt san ateangaireacht chomhdhála i suíomh ionsamhlaithe mar a bheidís i láthair ag fíorchomhdháil. Cuirtear oiliúint ar ateangairí d'institiúidí an AE ar an gclár seo, an t-aon chlár dá shórt atá ar fáil trí Ghaeilge.

# Gaillimh Dhátheangach

Is in larthar an Chontae atá an lón is airde cainteoirí Gaeilge ar domhan agus is í an chathair seo agus an ollscoil seo an t-aon chathair agus an t-aon ollscoil in Éirinn a bhfuil stádas dátheangach acu. Bua ar leith de chuid na háite seo an Ghaeilge, agus tá cáil i bhfad is i ngéarr ar a traidisiún béal, a traidisiún ceoil agus ar a traidisiún liteartha.

Tarraingíonn pobal na hollscoile inspiráid agus sainiúlacht ó na pobail Ghaeltachta ar a bhfreastalaímid in larthar agus in iarthuaisceart na hÉireann. Táimid bródúil as an ról atá againn mar cheannródaithe maidir le hardoideachas agus taighde sa Ghaeilge, agus as ár gcírtlanna fairsinge Gaeilge, a dhéanann saibhriú ar an eispéireas ollscoile a chuirimid ar fáil.

Tacaítear sna hionaid atá againn ar an gCeathrú Rua agus i gCarna i gCo. na Gaillimhe agus i nGaoth Dobhair i gCo. Dhún na nGall le forbairt acadúil, chultúrtha agus eachnamaíoch an dá cheantar Gaeltachta is mó sa tir. Leanfaimid ag cur leis na deiseanna atá ar fáil do thraigheoirí agus d'fhoghlaimeoirí teagmháil dhíreach a bheith acu le pobail na Gaeltachta ar pobail ar leith iad.

# Gaillimh Idirnáisiúnta



Is í Gaillimh an chathair is éagsúla in Éirinn. Rugadh breis is ceathrú de dhaonra na cathrach lasmuigh d'Éirinn agus, dá bhí sin, is cathair ilteangach chruthaitheach í a bhfuil dearcadh oscailte domhanda aici. Mar cheann scríbe turasóireachta, oideachais agus gnó idirnáisiúnta, fáiltímid roimh chuaireoirí agus roimh dhaoine cumasacha ó cheann ceann na cruinne.

Tá ról ar leith ag an ollscoil maidir le Gaillimh a nascadh leis an domhan mór. Tháinig timpeall 20% den fhoireann agus de na mic léinn anseo ó thar lear, rud a chuireann le saol an champais, na cathrach agus an réigiún. Tá breis agus 135 céimí dár gcuid ar fud na cruinne, agus táimid bródúil as an tionchar a bhíonn ag an alumni ar an domhan trí chéile.

Tá tionchar domhanda ag ár dtaignfeadh, ag cur le heolas, nuálaíocht agus polasaithe, go hidirnáisiúnta, agus tá comhoibriú ar bun ag ár bpobal acadúil le níos mó ná 5,000 institiúid i 178 thír.

Tagann na mílte toscáirí go Gaillimh gach bliain le freastal ar chomhdhálacha, agus tugann ár gcláir staidéir thar lear, cláir mhárlaithe agus scoileanna samhraidaí deis do rannpháirtithe idirnáisiúnta taithí a fháil ar an áit ar leith seo ina bhfuilimid lonnaithe agus dul i ngleic léi.

Bímid i gcónaí ag cur le deiseanna taistil fhisiciúil agus fhíorúil do na mic léinn agus don fhoireann trí chompháirtíochtaí domhanda agus táimid ag treisiú ár rannpháirtíochta le ENLIGHT, comhghuaillíocht de dheich n-ollscoil Eorpacha. Sampla amháin is ea ár gcompháirtíochta straitéiseach le Deloitte den chaoi a bhfuilimid ag líonadh na bearna idir an saol acadúil agus an tionscal chun blaiseadh den saol thar lear a thabhairt dár gcuid mac léinn.

## Ag féachaint chun cinn...

Beimid ag comhoibriú le compháirtithe áitiúla agus náisiúnta sna blianta beaga atá le teacht, agus cuirfimid lenár líonraí idirnáisiúnta, chun cáil agus tionchar na Gaillimhe a mhéadú tuilleadh mar mhól cruthaitheach, dátheangach, inbhuanaithe, nuálaíoch agus domhanda.

# Ár Réigiún Fuinniúil

Baineann an fhoireann agus na mic léinn an-tairbhe as tírdhreach nádúrtha, sóisialta agus cultúir sainiúil larthar na hÉireann. Os a choinne sin, cuirtear borradh faoin bhforás san Ollscoil, agus spreagtar an nuálaíocht, an rathúnas agus an fholláine sa réigiún agus níos faide i gcéin. Ó Choláiste na Sionna i gCo. an Chláir go dtí na hionaid teagaisc i nDún na nGall, is ollscoil idirnáisiúnta í seo atá fréamhaithe i réigiún fuinniúil ar chósta an Atlantaigh.

**Fiontraíocht & forbairt réigiúnach:** Is í an Ollscoil seo an eagraíocht taighde is mó in larthar na hÉireann, agus baineann breis is 6,500 mac léinn céim amach ar ár gcláir gach bliain. Is í is mó a ghineann forbairt eacnamaíoch agus iomaíochas i ngeilleagar eolasbhunaithe an réigiúin. Leanfaidh an Ollscoil ag spreagadh dul chun cinn sóisialta, rathúnais agus fostáiocht ardluacha i gcomhpháirtíocht le gníomhaireachtaí forbartha in larthar na hÉireann. Sna blianta atá le teacht, cuirfidh ár gcomhpháirtíocht le hÚdarás na Gaeltachta nuálaíocht agus forbairt pobail chun cinn sa taobh seo thíre – ag teacht lenár láidreachtaí taighde.

**Sláinte an réigiúin:** Tá na scoileanna leighis agus altranais is mó in larthar na hÉireann san Ollscoil. Tá ról ríthábhachtach ag an Ollscoil maidir le cúram sláinte agus folláine a chur chun cinn sa réigiún. Ní hionann agus aon áit eile, tá ár dtaighde leabaithe i gcóras an ospidéil. Tagann daoine gairmiúla ardoilte as na cláir a chinntíonn go bhfuil ár gcóras cúraim sláinte ag feidhmiú i gceart, agus baineann othair leas díreach as ár dtrialachá cliniciúla, nuálaíochtaí cúraim sláinte agus forbairt polasaí. Sna blianta amach romhainn, bunóidh an Ollscoil Scoil nua Cógaisíochta agus Eolaíochtaí Leighis i nGaillimh agus cuirfear clár ceannródaíoch nua larchéime sa Leigheas Tuithe agus largúlta chun cinn. Oibreoidim le comhpháirtithe réigiúnacha chun speisialtóireacht chliste agus nuálaíocht sa tSláinte Dhigiteach a spreagadh le cúram sláinte amach anseo a fheabhsú.

**Réigiún cliste, oilte:** Tá sé d'ádh orainn in larthar na hÉireann go bhfuil earnáil fhuinniúil bhreisoideachais agus ardoideachais againn, a bhfuil forbairt leanúnach shóisialta agus eacnamaíoch ár bpobal ag brath uirthi. Bainfimid leas as láidreachtaí na hOllscoile san eolaíocht sonraí agus sa ríomhaireacht ardfheidhmíocha chun tacú le clochlu digiteach an réigiúin. Oibreoidim i gcomhar leis an tionscal chun cláir ghearra, sholúbtha atá diríthe ar an bhfiontraíocht a fhorbairt, cláir atá fréamhaithe inár réimsí taighde sainiúil chun cur le scileanna na ndaoine cumasacha atá againn. Leanfaimid orainn ag obair lenár leathbhádóirí sa chóras tríu leibhéal sa taobh seo thíre, sna Boird Oideachais agus Oiliúna Áitiúla agus in earnáil na nOllscoileanna Teicneolaíochta, chun tosaíochtaí háisiúnta a bhaint amach.

-  Acadaimh leighis
-  Saoráidí taighde comhshaoil
-  Ionaid Ghaeltachta
-  Coláiste Ósta na Sionna

**Imeall Atlantach na hEorpa:** Tá an réigiún seo scapthe thar imeallbhord thiar agus thiar thuaidh an Atlantaigh, agus is ábhar iontais an éagsúlacht atá ag baint leis an mbeathra mara atá ann agus leis na pobail chósta agus oiléán. Déantar éascaíocht ar thaighde ar an tír, cois cladaigh agus domhainfharraige a dhéanamh trí infreasturtaí taighde mara agus trí chomhoibriú ar fud an réigiúin. Cuireann ár dtaighde agus nuálaíocht san uisceachaothrú, san fhuinneamh in-athnuaithe agus san eacnamaíocht mhuirí le forbairt réigiúnach agus cuireann sé chun cinn an t-aistriú chuig todhchaí níos inbhuanaithe do chách. Leanfaimid orainn ag cur le tuiscint an domhain ar thionchar an aigéin ar ár n-aeráid, ár bpláinéad agus ár sláinte, agus ar éiceolaíocht agus acmhainní an aigéin. Ar an gcaoi sin, oibreoidim i gcomhar le Foras na Mara i nGaillimh, gníomhaireacht taighde agus nuálaíochta muirí na hÉireann, ar thuras taiscéalaíochta taighde idirnáisiúnta san Aigéan Atlantach chun aghaidh a thabhairt ar thosaíochtaí réigiúnacha, náisiúnta agus Eorpacha.






# Misean

Ollscoil diantaighde, áit a gcuirtear  
síol talainne in ithir thorthúil agus a  
ngintear eolas don domhan ar fad.

A chur ar chumas ár bpobail féin tionchar a bheith aige ar an domhan trí chéile trí thaighde sainiúil, oideachas eisceachtúil agus eispéisíris spreagúla do mhic léinn.



Mar phobal ollscoile tá bunluachanna leagtha síos againn a thacaíonn lenár misean agus a thaispeánann dúinn an chaoi ar cheart dúinn feidhmiú mar eagraíocht, mar phobal, agus an déileáil a bhíonn againn leis an domhan thart orainn. Agus an plean straitéiseach seo á fhorbairt, ba léir ón méid a chuir an pobal in iúl an tábhacht a bhaineann lenár gceithre luach fhadtéarmacha – Meas, Oscailteacht, Inbhuanaitheacht agus Barr Feabhas, agus aithníodh an cúigiú luach – Muintearas – a luaigh ár gcuid mac léinn go sonrach mar luach tábhachtach a spreagfadh folláine, fás pearsanta agus rathúlacht.


- **Barr Feabhas:** Tá an Ollscoil tiomanta do thacú le barr feabhas sa teagasc, sa taighde, agus sa nuálaíocht, ag cur ar chumas ár bpobail a chuid scileanna agus eolais a úsáid chun barr a chumais a bhaint amach agus chun an tsochaí, an cultúr agus an eacnamaíocht a athrú chun feabhas.
- **Meas:** Tá Ollscoil na Gaillimhe tiomanta do chultúr measa, comhionannais, muiníne agus comhbhá a chinntíú, agus do thacú le folláine agus le cothrom na Féinne do mhic léinn agus don fhoireann.
- **Oscailteacht:** Tá an Ollscoil tiomanta d'oscailteacht, d'éagsúlacht agus do chuimsiú a chothú, agus ag an am céanna dul i dteagmháil le pobail áitiúla agus dhomhanda chun athrú dearfach a spreagadh agus chun a chinntíú go bhfuil teacht ar oideachas agus taighde.
- **Inbhuanaitheacht:** Tá sé mar aidhm ag an Ollscoil an t-aistriú chuig todhchaí inbhuanaithe a threorú trí inbhuanaitheacht a leabú ina cuid teagaisc, taighde, oibríochtaí agus compháirtíochtaí, ag cothú na chéad ghlúine eile de cheannairí agus de nuálaithe chun dul i ngleic le dúshláin dhomhanda.
- **Muintearas:** Déanann an Ollscoil a dícheall timpeallacht a chruthú ina motháonn mic léinn, an fhoireann agus alumni go bhfuil fáilte rompu, go bhfuil tacaíocht acu, go bhfuil ceangal acu linn agus go bhfuil meas orthu agus gur cuid lárnach iad de phobal foghlama a chothaíonn rannpháirtíocht acadúil, forbairt ghairmiúil agus fás pearsanta, sláinte agus folláine.

# Tosaíochtaí Straitéiseacha 2025-2030

Tá ár straitéis dírithe ar an tionchar is mó a d'fhéadfadh a bheith ag Ollscoil na Gaillimhe a bhaint amach inár ról uathúil mar ollscoil diantaighde atá nasctha go domhanda ar chósta thiar na hÉireann.

Chun misean na hOllscoile a chomhlíonadh, agus chun físeán a chomhroinnt a chur ar fáil do na blianta atá le teacht, tá túis áite tugtha againn dár mbunghníomhaíochtaí, is iad sin taighde, oideachas agus eispéireas na mac léinn, chomh maith leis an leagan amach cuí a chur ar an eagraíocht a theastaíonn chun barr feabhas a bhaint amach i ndomhan atá ag éirí níos casta.

Is é sin ár gcuspóir ar domhan, ag tarraingt ar láidreachtaí sainiúla an phobail agus na háite ina bhfuilimid lonnaithe. Cuireann sé ar ár gcumas tionchar chomh dearfach agus is féidir nó oiread tionchair agus is féidir a bheith againn ar mhaithle le pobal na hOllscoile agus lenár gcomhpháirtithe i nGaillimh, in Éirinn agus ar fud na cruinne.



# Tosaíocht Straitéiseach: Tionchar Taighde Sainiúil

Beimid inár gceannairí domhanda inár sainréimsí taighde ag plé le comhpháirtithe náisiúnta agus idirnáisiúnta, ag baint leas as ár láidreachtaí réigiúnacha agus, ag an am céanna, ag tacú le réimsí nua ina bhfuil daoine ag iarraidh barr feabhas a bhaint amach.

## Gníomhartha:

- Cur leis an méid taighde a dhéanaimid i sainréimsí feabhas agus cur leis an tionchar agus leis an gcáil dhomhanda atá orainn.
- Stiúir a thabhairt don aistriú i dtreo todhchaí inbhuanaithe trí thaighde atá ábhartha ar fud an domhain a dhéanamh inár réigiún agus inár gcathair shainiúil féin.
- Stiúir a thabhairt do luas a chur faoi nuálaíocht, trí fhás a spreagadh sa réigiún, luach a chur le geilleagar na hÉireann agus tionchar a imirt ar fud an domhain.
- An chéad ghlúin eile de thaighdeoirí den scoth a mhealladh, a fhorbairt agus tacú leo laistigh d'éiceachóras taighde inbhuanaithe.
- Ár gcaidrimh le príomhchomhpháirtithe sna hearnálacha taighde, tionscail, rialtais agus eile, chomh maith le pobail sa réigiún, a fhorbairt chun an tionchar is dearfaí a imirt ar an domhan.





Nuálaíocht don  
tSláinte

Timpeallachtaí  
Inbhuanaithe &  
Seasmhacha  
ar Muir & ar Tír

Na Colúin  
Taighde


Sonrai & AI  
Claochlaitheacha



Tacaíonn an Ollscoil le ról an bhonntaighde atá bunaithe ar fhirosracht chun ár dtuiscint ar an domhan a leathnú agus nuálaíocht a spreagadh. Tá ár bpobal taighde gafa le dúshláin dhomhanda, tosaíochtaí náisiúnta, agus riachtanais réigiúnacha. I dteannta a chéile, cuirimid fáilte roimh chur chuige idirdhisciplíneach agus rannpháirteach, i raon leathan disciplíní, agus éiríonn linn tionchar a imirt trí chomhoibriú idirnáisiúnta. Cuireann ár dtaighde le saintréithe na háite, agus úsáidtear na ceithre cholún taighde le go mbeidh tionchar taighde sainiúil ag Ollscoil na Gaillimhe.

- Léiríonn **Nuálaíocht don tSláinte** láidreacht ár dtaighde maidir le tuiscint agus bainistiú galar, teicneolaíochtaí agus feistí leighis, teiripic agus sláinte an daonra. Cuireann ár dtaighde nuálaíocht i gcosc agus i mbainistiú galar chun cinn. Tá sé ag athrú cleachtas agus polasaithe cúram sláinte, agus ag feabhsú saol na n-othar trí thrialacha cliniciúla ceannródaíocha agus réitigh shuaiteacha don tsláinte.
- Léiríonn **Cruthaitheacht, Cultúr & an tSochaí** ár láidreacht sa chruthaitheacht, i gcleachtas ealaón, sna daonnachtaí, sna heolaíochtaí sóisialta agus sa cheartas. Déanann ár gcuid oibre iniúchadh ar chleachtais chultúrtha i dtréimhsí éagsúla agus ar fud an domhain. Trí rannpháirtíocht áitiúil agus dhomhanda, cuireann ár dtaighde ildisciplíneach ar ár gcumas castacht ár ndomhain a thuiscint agus freagairt do dhúshláin na sochaí trí chearta daonna, daonlathas agus ceartas sóisialta a chur chun cinn.
- Léiríonn **Timpeallachtaí Inbhuanaithe & Seasmhacha**: ar Muir agus ar Tír ár láidreachtaí idirdhisciplíneacha sna réimsí seo a leanas: an mhuiir, an comhshaol, síocháin, tógál inbhuanaithe agus sláinte an phláinéid. Tá tionchar ábhartha domhanda ag ár dtaighde ar éiceolaíocht agus eacnamaíocht mhuirí, athrú aeráide, úsáid talún agus bithéagsúlacht, fuinneamh in-athnuaithe, pobail inbhuanaithe, an timpeallacht thóghtha, agus ar pholasaithe a spreagann athrú dearfach.
- Léiríonn **Sonraí & AI Claochlaitheacha** ár láidreachtaí san analísíocht, sonraí, sa teicneolaíocht agus sa ríomheolaíocht. Ó bhonntaighde a chur chun cinn, go dtí múnlú polasaí ar úsáid fhreagrach, cuirimid i bhfeidhm taighde i séimeantaic agus in analísíocht sonraí, AI, meaisínfhoghlaím agus ár gcumas ardfeidhmíochta ríomhaireachta chun tacú le taighde idirdhisciplíneach a thugann aghaidh ar dhúshláin dhomhanda.

# Na hInstitiúidí Taighde



Tá sé institiúid taighde ag tacú leis na colúin taighde seo a chinntíonn gur féidir taighde idirdhisciplíneach den chaighdeán is airde a dhéanamh a éascaíonn comhoibriú forleathan go náisiúnta agus go hidirnáisiúnta:

- An Institiúid Eolaíochta Sonrai
- Institiúid na Cruthaitheachta
- An Institiúid do Thrialacha Cliniciúla
- An Institiúid don Fhionnachtain agus Nuálaíocht Sláinte
- An Institiúid Cúrsa Saoil agus Socháí
- Institiúid Uí Riain – Taighde Muirí, Inbhuanaitheachta, Fuinnimh, Comhshaoil

Is iad na hinstiúidí taighde seo a fhorbróidh fionnachtain taighde ildisciplíneach agus tionchar sna colúin taighde. As seo go ceann cúig bliana, athróidh siad an méid ceannaireachta taighde idirnáisiúnta agus nuálaíochta a dhéanann an Ollscoil, rud a chuirfidh le mais chrítiúil, barr feabhas agus rannpháirtíocht dhomhanda. Go seachtrach, cuireann na hinstiúidí taighde pointe rochtana soiléir ar fáil do chompháirtithe taighde agus do pháirtithe leasmhara ar mian leo a bheith páirteach sa mhisean.

Tacaíonn éiceachórás taighde rathúil sna Coláistí leis na hinstiúidí taighde. Déanfaimid infheistíocht bhreise i dtacaíochtaí, córais, próisis agus infreastruchtúr taighde ar fud na hOllscoile chun cur ar chumas an phobail taighde tionchar níos mó a imirt ar scála domhanda.



# Tosaíocht Straitéiseach: Oideachas don *Todhchaí*

Cinnteoimid go mbeidh an uaillmhian inár gcuid mac léinn a dtodhchaí agus a sochaí a mhúnlú, ag baint úsáid as an eolas, as an muinín agus as an gcruthaitheacht a fhorbraíonn siad trí oideachas sainiúil atá bunaithe ar thaighde agus eispéireas mac léinn-lárnach den scoth.

## Gníomhartha:

- A bheith inár n-ollscoil chéad rogha do mhic léinn na hÉireann agus tharlear agus muid ag seasamh amach i ngeall ar ár n-áit uathúil, ár dtréithe soitheanta agus ár láidreachtaí.
- Céimithe sainiúla na Gaillimhe a fhorbairt le go mbeidh tionchar dearfach acu ar an domhan:
  - trí oideachas den scoth, atá bunaithe ar ár dtaighde, a sholáthar.
  - trí mhic léinn a chumasú lena n-aistear foghlama a chruthú i gcomhar lena chéile mar chuid d'eispéireas ionmlánaíoch agus tacuilean mhic léinn.
  - trí dheiseanna a chur ar fáil d'eispéiris agus do chaidrimh éagsúla trí chur lenár gcompháirtíochtaí domhanda, le soghluasteacht dhomhanda agus le hearcaócht dhomhanda.
- Bacainní ar ardoideachas agus lena linn a bhaint, dearadh uilíoch a neadú, tacú le mic léinn trí phríomhphointí aistrithe, agus idirghabhálacha spriocdhírithe a dhéanamh a thacaíonn le dul chun cinn gach mic léinn.
- An inbhuanaitheacht a neadú i ngach ceann dár gcláir agus in eispéireas an champais.
- Leas a bhaint as an teicneolaíocht inár gcuid teagaisc, foghlama agus measúnaithe d'fhoinn feabhas a chur ar eispéireas oideachais na mac léinn, iad a ullmhú don todhchaí agus sláine acadúil a chinntíú.
- A bheith nuálaíoch maidir le dearadh agus seachadadh an churaclaim, agus conairí a shimplíú, agus oibriú le compháirtithe seachtracha le tacú le foghlaimeoí ag gach céim dá gcuid oideachais, dá ngairm agus dá saol.

Baineann na mic léinn Dlí úsáid as ár mBréagchúirt chun imeachtaí dlí a chleachtadh i dtimpeallacht ionsamhlaithe cúirte.





Tá céimithe den scoth ag  
teacht ó Ollscoil na Gaillimhe  
le breis is 175 bliain.

# Céimithe na Gaillimhe

Cuireann oideachas den scoth bunús maith foghlama ar fáil dár mic léinn taobh istigh dá ndisciplín. De bhrí go múineann saineolaithe ábhair iad, ar an gcaighdeán is airde, tá na huirlisí tugtha do na mic léinn chun a n-uaillmhianta a bhaint amach agus cur leis an tsochaí timpeall orthu.

Aithnímid gur tréimhse í seo ina bhfuil athrú tapa teicneolaíochta agus sóisialta ag tarlú. Tacóimid leis na mic léinn chun a gcuid eolais agus scileanna a fhorbairt, a shainiu agus a chur in iúl ionas go mbeidh siad réidh le dul chun cinn a dhéanamh i ndomhan casta agus seasamh amach i margadh fostáiochta domhanda atá thar a bheith iomaíoch.

Beidh cáil ar chéimithe na Gaillimhe mar gheall orthu seo a leanas:


- Cruthaitheacht agus nuálaíocht:** Is cuid dínn féin í an chruthaitheacht agus tá sí leabaithe sa teagasc, sa taighde agus i gcomhpháirtíochtaí. Forbraíonn céimithe a gcuid scileanna i smaointeoireacht chriticiúil, foghlaim chomhoibríoch, nuálaíocht agus fiontraíocht laistigh agus lasmuigh den seomra ranga, rud a thugann an mhuinín, an láidreacht agus an stuaim dóibh a theastaíonn le go n-éireoidh leo i ndomhan atá ag athrú go tapa.

- Comhbhá agus saoránacht rannpháirteach:** Tá cáil ar an Ollscoil le fada an lá mar gheall ar thaighde gníomhach, foghlaim seirbhísé agus eolaíocht shóisialta fheidhmeach i gcomhthéacsanna áitiúla agus domhanda. Déanann céimithe na Gaillimhe a gcuid foghlama a cheangal le fadhbanna an tsaoil sa churaclam. Forbraíonn siad éirim mhothúchánach trínár gcláir cheannródaíocha chomhbhbá, agus bionn siad ag plé go díreach le pobail tríd an teagasc, obair dheonach, tionscnaimh gníomhaithe shóisialta agus cumainn.
- Ceannaireacht inbhuanaitheachta:** Tá an Ollscoil aitheanta go hidirnáisiúnta mar cheannairí ó thaobh Spriocanna Forbartha Inbhuanaithe na Náisiún Aontaithe a leabú sa churaclam, sa taighde agus in oibríochtaí. Le linn a gcuid ama i nGaillimh forbraíonn ár gcuid mac léinn an t-eolas, na scileanna agus na heispéiris chun an t-aistriú chuig todhcháí inbhuanaithe a threorú.
- Uillmhacht d'AI:** Tá ár dtaighdeoirí ar thús cadhnaíochta maidir le forbairtí in intleacht shaorga (AI) agus meisínfhoghlaim. Bainfimid leas as saineolas agus teicneolaíocht sa teagasc, san foghlaim agus sna seirbhísí tacaíochta chun céimithe a ullmhú don todhcháí. Tabharfaidh siad aghaidh ar dheiseanna, impleachtaí agus úsáid eiticiúil AI.

- Dearcadh domhanda:** Téann ár gcuid mac léinn i ggleic le saincheisteanna domhanda mar chuid de phobal acadúil atá nasctha go hidirnáisiúnta, atá fréamhaithe inár gcathair bhríomhar a bhfuil a féiniúlacht, a cultúr agus a hoidhreacht shainiúil féin aici. Bónn siad ag déileáil le peirspictíochtaí agus eispéiris dhomhanda anseo i nGaillimh agus trí chláir soghluaisceachta mac léinn thar lear, bónn siad ag forbairt buanna a theastóidh le tabhairt faoi obair agus faoi chomhoibriú idirchultúrtha sa todhcháí.

Tá colún taighde shainiúil na hOllscoile ríthábhachtach maidir le tréithe ár gcéimithe a mhúnlú. Trí thaighde ceannródaíoch atá ábhartha ar fud an domhain a leabú inár n-eispéireas oideachais, cinnteoimíodh ní hamháin go gcuireann ár dtaighde i réimse na sláinte, an chomhshaoil, na teicneolaíochta, an chultúir agus na sochaí eolas chun cinn ach go gcuireann sé múnla ar fáil don chéad ghlúin eile ceannairí, nuálaíthe agus gníomhairí athraithe.





Plean Straitéiseach 2025-2030

# Tosaíocht Straitéiseach: Eagraíocht Éifeachtach agus Inbhuanaithe atá ina hAcmhainn don Phobal

Éireoidh lenár misean trí phróisis agus ollstruchtúr sruthlínithe faoi stiúir na teicneolaíochta a chur ar fáil dár bpobal, mar chuid de mhóreagraíochta inbhuanaithe.

## Gníomhartha:

- Cultúr comhchruthaithe a fhorbairt, ag baint leas as léargais, eispéiris agus comhghleacaíocht an phobail chun fadhbanna a réiteach le chéile.
- Clár bunathraithe gnó a dhearadh agus a sheachadadh a bheidh mar bhonn agus taca d'ollscoil ardfheidhmíochta.
- Athbhreithniú agus uasghrádú a dhéanamh ar ár bpróisis agus ar ár múnláí oibriúchánin.
- Infheistíocht a dhéanamh i gcórais shlána agus i dtteicneolaíocht shlán chun próisis, sonraí agus cinnteoireacht a chuichíriú chun ár bhfoireann a chur ar an eolas agus a chumasú.
- Tógáil ar ár gcáil dhomhanda maidir le ceannaireacht inbhuanaitheachta agus sinn ag bogadh go huaillmhianach i dtreo neodracht charbónin.
- Ceannaireacht a fhorbairt san eagraíocht trí chéile agus tacú léi.

# Bunchlocha

Chun ár dtosaíochtaí straitéiseacha a bhaint amach beidh orainn ar fad oibriú le chéile agus síriú orthu sna blianta amach romhainn. Tá cùig bhunchloch aitheanta againn chun tacú le cur i bhfeidhm ár straitéise – téamaí leathana trína spreagfaimid pobal na hollscoile chun athrú chun feabhas a bhaint amach.

## Timpeallacht Thacúil:

Tabharfar gach cúnamh agus tacaíocht do na mic léinn agus don fhoireann barr a gcumais a bhaint amach i dtimpeallacht foghlama atá tarraingteach, inrochtana agus cuimsitheach trí na nithe seo a leanas a dhéanamh:

- **comhionannas, éagsúlacht agus cuimsiú** a chur i lár an aonaigh ón túis, agus tiomantas agus freagracht chomhchoiteann a chothú trí Phriomhtháscairí Feidhmíochta a bhunú ag leibhéal an aonaid laistigh den Ollscoil.
- leanúint le feabhas a chur ar rochtain agus rannpháirtíocht do ghrúpaí tosaíochta faoi ghannionadaíocht, lena n-áirítear mic léinn faoi mhíchumas, trínár gcuid oibre ceannródaíochta ar **rannpháirtíocht a leathnú** san ardoideachas.
- comhoibriú ar fud na hOllscoile chun **rath na mac léinn** a fheabhsú, ag baint úsáid as sonrai agus aiseolas na mac léinn agus seirbhísí a oiriúnú chun tacú leo dul chun cinn a dhéanamh, a sláinte agus folláine fhísiceach, shóisialta agus mheabhrach a fheabhsú – lena n-áirítear trí bheith páirteach i spórt – agus a chinntíú go bhfuil siad réidh don todhchaí.
- **folláine agus rannpháirtíocht fostaithe** a fheabhsú trí fhorbairt na foirne, an bhéim a chur ar chleachtais fostáiochta inbhuanaithe agus chothroma, agus deiseanna sóisialta, folláine agus foghlama a sholáthar, bunaithe ar chreatáí creidiúnaithe seachtracha.

## Cumarsáid Éifeachtach:

Cuirfimid ár dtionchar sainiúil in iúl, cuirfimid lenár gcáil i measc ár spriocphobail, agus beimid i dteagmháil lenár bpobal ollscoile mar seo a leanas:

- straitéisí spriocdhírithe cumarsáide agus rannpháirtíocha a dhearadh chun cáil dhomhanda na hOllscoile a fhorbairt, agus na córais, na próisis agus an teicneolaíocht a chur i bhfeidhm chun tacú lena dtionchar.
- scéal na hOllscoile a insint trí ábhar digiteach tarraingteach, lena n-áirítear láithreán nua gréasáin.

## Ceannaireacht Inbhuanaitheachta

Ag tógáil ar ár gcáil dhomhanda as tionchar na hinbhuanaitheachta, cuirfimid dlús leis an aistriú chuig todhchaí níos inbhuanaithe ar an gcaoi seo a leanas:

- inbhuanaitheacht a leabú tuilleadh sa teagasc, sa taighde agus in oibríochtaí an champais trínár múnlá Foghlaim-Mair-Spreag.
- ár rannpháirtíocht le comhpháirtithe inbhuanaitheachta a láidriú, go háitiúil, go náisiúnta agus go hidirnáisiúnta, chun athrú dearfach a spreagadh agus a roinnt.
- bogadh go huaiilmhianach i dtreo neodracht charbóin agus cur leis an mbithéagsúlacht ar fud an eastáit.
- síriú ar Ghradam Platanaim STARS mar aitheantas ar ár dtionchar inbhuanaitheachta sna réimsí sin.

### Rannpháirtíocht Dhomhanda:

Déanfaimid deimhin d'ár suíomh sa domhan trí phlean idirnáisiúnaithe straitéisigh a fhorbairt a neartaíonn ár bpróifil domhanda agus a thacaíonn lenár n-uaillmhianta taighde agus oideachais trí:

- **earcaíocht mac léinn agus foirne idirnáisiúnta** a mhéadú i dtimpeallacht chumasaithe a shaibhríonn ár bpobal ollscoile, a mheallann tallann chuig ár gcathair agus ár réigiún, agus a thacaíonn lenár dtosaíochtaí straitiseacha.
- deiseanna do **shoghluaisteacht idirnáisiúnta** a leathnú, idir fhisiciúil agus fhíorúil, agus tacú le **hinfhostaitheacht domhanda** ár mac léinn.
- ár líonra **comhpháirtíochtaí straitiseacha** a thógáil i bpriomhréigiúin ar fud na cruinne agus teaghmáil níos fearr a dhéanamh trí Ghrúpa Coimbra agus ár gComhghuaillíocht Ollscoileanna Eorpacha ENLIGHT.



# Ag Tógáil don *Todhcháí*

Is forbairt shuntasach san ollscoil agus sa chathair an **Leabharlann agus Ionad Foghlama nua** atá á thógáil i gcroílár an champais. Athróidh an áis sainchuspóra seo an úsáid a bhainfidh mic léinn, comhaltaí foirne agus an pobal. as ár n-acmhainní foghlama, teicneolaíochtaí agus scileanna acadúla. Tar éis 175 bliain d'oideachas ollscoile i nGaillimh, is ré nua spreagúil é seo sa chaoi a dtéitear i ngleic le heolas agus le fionnachtain.

Beidh an foirgneamh suite in aice le Droichead na gCúig Céad sa chathair agus feidhmeoidh sé mar eiseamláir foghlama dár gcathair ollscoile. Tá sé deartha le bheith ina spás spreagthach, fáiltiúil, ardteicniúil foghlama agus cruthaitheachta a thugann daoine agus disciplíní éagsúla le chéile. Táimid ag tnúth leis an spás bríomhar léannta agus sóisialta seo a fheiceáil i nGaillimh.



Déanfaimid an méid seo a leanas freisin thar thréimhse an phlean seo:

- Foirgneamh nua as an bpíosa a thógáil do Scoil an Leighis agus Scoil nua Chógaíochtú agus Eolaíochtaí Leighis a bhunú mar aon le cláir nua leighis a chur ar fáil.
- Infheistiú in **infraestructúr digiteach ríthábhachtach**, lena n-áirítear Conairí Digiteacha na Mac Léinn agus cláir Feabhsaithe Próisis Taighde, ollstóráil fheabhsaithe Sonrai, agus ár gCóras Bainistíochta Faisnéise Taighde nua.
- Ár bpleannanna d'fhorbairtí móra ar foirgneamh nua **Scoil an Dlí** a bhrú chun cinn lenár gcompháirtithe agus aghaidh a thabhairt ar **riachtanais chaipitil na hEolaíochta** le huasgráduithe ar na saotharlanna agus ar infraestructúr na hEolaíochta.
- **Máistirphlean campais** uaillmhianach a fhorbairt i gcomhar le compháirtithe ina dtugtar tosaíocht d'infraestructúr nua spóirt agus folláine fisiciúla, dár dtimpeallachtaí taighde agus teagasc, don inbhuanaitheacht, don Ghaeilge agus cultúr na hÉireann, agus dár bhfearann poiblí.
- Críoch a chur le hathchóiriú ar ionad nua don **tSaotharlann Uirbeach ar Oileán Altanach**. Is é seo an chéad chéim i dtreo athbheochan a dhéanamh ar an gceantar stáiriúil uirbeach seo a nascann an Ollscoil agus an chathair.
- An t-athchóiriú ar an **lóistín ar an gcampas i mBaile na Coiribe** a chur i gcrích chun é a dhéanamh i bhfad níos tosaí ar fhuinneamh agus níos compordaí dár gcuid mac léinn.

Athróidh na tionscadail chaipitil seo foirgnimh atá ann cheana féin agus láithreán athfhhorbraíochta, ag feabhsú éifeachtúlacht fuinnimh agus inbhuanaitheachta ar fud an champais.

In 2023, cuireadh 674 leaba nua lenár lóistín ar an gcampas nuair a osclaíodh Baile na Breacóige sa Champas Thuaidh.





# Tionscnamh Tosaíochta

Chun go mbeidh bonn láidir faoinár bpríomhgníomhaíochtaí taighde agus teagaisc, lena chinntiú go gcuirfimid ár dtosaíochtaí straitéiseacha i bhfeidhm go héifeachtach, agus chun an t-athrú dearfach ar féidir lenár bpobal agus ár bpáirtithe leasmhara a bheith ag súil leis le bheith páirteach ann, cur leis agus tairbhe a bhaint as a chur i gcrích, déanfaimid infheistíocht i roinnt Tionscnamh Tosaíochta a bhfuil acmhainní ar fáil ina leith, atá dírithe ar thorthaí agus atá faoi cheangal ama:

- **Clár na n Daoine Cumasaíochta amach anseo**: Déanfaimid infheistíocht chun daoine cumasaíochta i dtacaíochtaí Taighde agus Nuálaíochta agus i dtionscadal Feabhsúcháin Próisis Taighde cumhacht do phobal taighde na hOllscoile. Athrófar ár n-éiceachóras taighde agus nuálaíochta ó bhonn, déanfar próisis a shruthlíníú i saolré an taighde agus uaillmhan a chumasú i ngach céim den ghairm bheatha – rud a éascóidh tionchar taighde shainiúil a bhaint amach.
- **Ionad Rathúlachta na Mac Léinn**: Comhoibreoidh an t-aonad tiomnaithe seo le Coláistí agus le seirbhísí lárnochána na mac léinn chun sonraí, aiseolas na mac léinn agus idirghabhálacha spriocdhírithe a úsáid chun rátaí dul chun cinn na mac léinn a ardú agus chun tacú le agus monatóireacht a dhéanamh ar rathúlacht, sláinte, folláine agus aistríthe na mac léinn.
- **Conairí Digiteacha na Mac Léinn**: Cuirfimid an mórchláir claochlaithe digiteach seo i gcrích chun feabhas a chur ar an eagraíocht, ar na próisis, ar an mbunteicneolaíocht agus ar na sonraí a úsáidtear chun turas na mac léinn in Ollscoil na Gaillimhe a bhainistiú – ón earcaíocht go dtí bronnadh na céime.
- **Tionchar Taighde a Chumasú**: Tabharfaidh infheistíocht i dtacaíochtaí Taighde agus Nuálaíochta agus i dtionscadal Feabhsúcháin Próisis Taighde cumhacht do phobal taighde na hOllscoile. Athrófar ár n-éiceachóras taighde agus nuálaíochta ó bhonn, déanfar próisis a shruthlíníú i saolré an taighde agus uaillmhan a chumasú i ngach céim den ghairm bheatha – rud a éascóidh tionchar taighde shainiúil a bhaint amach.
- **An Clár Éascaithe Teicneolaíochta**: Beidh infheistíocht shuntasach inár múnláí oibriúcháin TFC agus i seachadadh tionscadal infreastreachtúir dhigitigh rithábhachtach chun go n-éireoidh linn sna blianta amach romhainn.
- **An Tionscadal Sainiúlachta a Chur in Iúl**: Cuirfimid lenár gcáil idirnáisiúnta maidir le taighde agus oideachas trí fheachtais chumarsáide agus rannpháirtíochta spriocdhírithe, lena n-áirítear láithreán nua gréasáin atá tarraigteach agus a léiríonn éagsúlacht na háite seo don saol mór.
- **An Oifig do Chlaochlú Eagraíochta**: Tabharfaidh an oifig lárnochána seo le chéile saineolas i mbainistíocht athraithe, anailís ghnó, anailís sonraí, bainistíocht tionscadail agus cumarsáid chun a chinntiú go gcuirtear mórtionscnamh straitéiseacha ar fáil go héifeachtach agus go héifeachtúil, ag cinntiú go bhfuil ár gcórais agus ár bpríomhchomh héifeachtach agus is féidir chun go mbeidh sé níos éasca a bheith ag obair san ollscoil agus leis an ollscoil.
- **Leabharlann agus Ionad Foghlama**: Foirgneamh mór nua do Ghaillimh a chuirfidh cruth nua ar fhoghlaím agus ar fhionnachtain don aonú haois is fiche.

# Cén chaoi a bhfuil ag éirí linn?

## Tionchar Taighde Shainiúil

Faoi 2035, beimid san áireamh ar an 200 ollscoil is fearr ar domhan i gceann amháin ar a laghad de Ranguithe Ollscoile an Domhain. Léiríonn an sprioc seo ár n-uaillmhian a bheith inár n-eagraíocht an-éifeachtach, atá aitheanta as ár n-ardchaighdeán feabhas taighde agus ár dtionchar domhanda.

Chun an sprioc uaillmhianach seo a bhaint amach, díreoidim ar fheidhmíocht a thiomáint sna bearta seo a leanas:

- Foilseacháin in Irisleabhair Mór le Rá
- Comhoibriú Taighde Idirnáisiúnta
- Cáil Taighde
- Ioncam Taighde
- Taighdeoirí Dochtaireachta
- Nuálaíocht

Chuige sin, beidh athrú mór le déanamh ar ár gcuid feidhmíochta trí chách ag tarraingt le chéile chun díriú ar ár dtosaíochtaí, ag obair as lámha a chéile agus infheistiú i rudaí áirithe chun cuma na maitheasa a chur orainn as seo go ceann deich mbliana.

## Oideachas don Todhchaí

Beidh an ollscoil seo ina rogha ollscoile a spreagann agus a thacaíonn lenár mic léinn ar a n-aistear foghlama le bheith ina gcéimithe den scoth. Léiríonn an sprioc seo ár n-uaillmhian choiteann díriú ar dhul chun cinn na mac léinn, rannpháirtíocht acadúil, feabhas teagaisc, folláine agus muintearas a fheabhsú.

Chun an sprioc uaillmhianach seo a bhaint amach, díreoidim ar fheidhmíocht a thiomáint sna bearta seo a leanas:

- Rátaí dul chun cinn na mac léinn bliain ar bliain
- Leibhéal rannpháirtíochta na mac léinn
- Earcú mac léinn ardfheidhmíochta
- Dearadh nuálaíoch agus seachadadh clár
- Forbairt ghairmiúil leanúnach na foirne teagaisc
- Infhostaitheacht céimithe


Teastóidh rannpháirtíocht agus compháirtíocht cheart leis na mic léinn, béim ar fheabhas teagaisc, tacaíochtaí níos fearr do mhic léinn agus idirghabhálacha spriocdhírithe bunaithe ar shonraí chun na méadraíochtaí seo a fheabhsú as seo go ceann cúig bliana.

## Eagraíocht Éifeachtach agus Inbhuanaithe atá ina hAcmhainn don Phobal

Caithfear ár gclár cloachlaithe gnó a chur i bhfeidhm chun ár n-uaillmhianta sa Taighde agus san Oideachas a bhaint amach. Trí dhianphróiseas bainistíochta cláir, déanfaimid monatóireacht agus tuairisciú leanúnach ar spriocanna a bheidh á gcur i gcrích.







# Cur i bhfeidhm na Straitéise

Tá fíos chomhroinnte uaillmhianach leagtha amach againn le chéile don ollscoil sna blianta amach romhainn. Chun an uaillmhian seo a bhaint amach beidh ar an institiúid síríú isteach air lena chinntíú go dtacaíonn cinnteoireacht ag gach leibhéal le seachadadh na straitéise agus go mbeidh pleanáil airgeadais straitéiseach agus fás ioncaim ag teacht lenár dtosaíochtaí.

## Straitéisí & Pleanáil Ghnó na gColáistí

Is iad na Coláistí bun agus barr na físe atá againn agus is iad a bhrúnn chun cinn feabhas taighde agus teagaisc. Foilseoidh gach ceann dár gceithre Choláiste a straitéisí féin ag leibhéal an Choláiste ag aithint cén áit agus cén chaoi a gcuideoidh siad linn ár gcomhfhis don Ollscoil a bhaint amach. Déanfar monatóireacht de réir a chéile ar chur i bhfeidhm na ngníomhartha seo trí phleananna leanúnacha gnó cúig bliana na gColáistí, agus trí phleananna oibríochtúla bliantúla na Scoileanna agus na nInstitiúidí Taighde.

## Straitéisí téamacha

Foilseoidh Seirbhísí Gairmiúla na hOllscoile sraith straitéisí téamacha ar mhórghníomhaíochtaí ollscoile – e.g. Straitéis Acadúil, Straitéis Taighde & Nuálaíochta, Straitéis Idirnáisiúnaithe, Straitéis Rathúlachta na Mac Léinn, Straitéis Inbhuanaitheachta – ina gcuimseofar sonraí breise ar an mbealach a mbainfimid ár ngníomhartha sonraithe amach.

## An Oifig do Chlaochlú Eagraíochta


Beidh an oifig nua lárnach seo ina príomhthiománaí do chur i bhfeidhm na straitéise, ag cur saineolas, bainistíochtionscadail agus maoirseoireacht ar fáil lena chinntíú go gcuirtear mórhionscnaimh straitéiseacha ar fáil go héifeachtach agus go héifeachtúil ar mhaithle le pobal na hollscoile.

## Rialachas láidir

Soláthraíonn Údarás na hOllscoile treoir straitéiseach fhoriomlán don Ollscoil agus tabharfar eolas chun dáta dár ngobharnóirí go rialta maidir le cur i bhfeidhm, agus déanfar monatóireacht ar dhul chun cinn ár dtosáiochtaí agus ár ngniomhartha sonraithe. Tugann obair an Choiste Sheasta, Pleanála Straitéisí agus Rialachais agus an Choiste Airgeadais agus Acmhainní tacaíocht dóibh sa ról seo mar go mbíonn baint mhór acu le cur i bhfeidhm agus le hacmhainní a chur ar fáil don straitéis. Forbraíodh an pleán straitéiseach seo de réir ár riachtanas faoi Acht an ÚAO, 2022 agus beimid i dteagmháil i gcónaí leis an ÚAO maidir lena chur i bhfeidhm, go háirithe trí thuairisciú ar ár gComhaontú Feidhmíochta. Ina theannta sin, táimid tiomanta do Dhualgas na hEarnála Poiblí i leith Comhionannais agus Chearta an Duine a chur i bhfeidhm i ngach feidhm de chuid na hinstítíuide.

## Acmhainní

Leagann an pleán straitéiseach seo amach athrú uaillmhianach inár bhfeidhmíocht, agus beidh gá le neart acmhainní chun a chinntí gur féidir linn an uaillmhian sin a bhaint amach. Oibrímid i ndomhan atá ag athrú go tapa agus atá ag éirí níos luainí agus tá ár dtoimhdí pleanála airgeadais bunaithe ar mhaoiniú earnála reatha agus ar réamh-mheastacháin fáis ár gColáistí. I rith na straitéise seo, beidh cistí straitéiseacha á n-infheistiú ag leibhéal na hOllscoile agus na gColáistí, chomh maith le ciste mó� caipítíl, chun ár bpriomhthionscnaimh agus forbairtí straitéiseacha eile a bhaint amach. Aithnímid a mhéad a chuireann ár bpobal alumni, ár lucht tacaíochta agus ár gcomhpháirtithe le forbairt na hollscoile. Sna blianta amach romhainn, beidh rath an fheachtais dhaonchairdiúil Meitheal ríthábhachtach chun fíos phobal na hollscoile a bhaint amach.



*Lonnaithe i nGaillimh,  
Ag freastal ar an Domhan Mór*







t +353 91 524 411

r info@ollscoilnagaillimhe.ie

g ollscoilnagaillimhe.ie

Buiochas speisialta leis an Ollamh Chaosheng Zhang  
(Tireolaíocht) as a chuid grianghraif den chathair agus den  
champas a roinnt linn.